



Clypevs Theologiæ Thomisticæ

Continens Tractatus de attributis, de visione Beatifica, de scientia Dei, ac
de ejus voluntate, & Providentia

Gonet, Jean-Baptiste

Parisiis, 1669

§. IV. Exponuntur quædam testimonia D. Augustini & Sancti Thomæ, quæ
videtur favere Adversariorum sententiæ,

[urn:nbn:de:hbz:466:1-77232](#)

cat. ipse est. Nunquid qui humilibus dat gratiam, humili auferat datam? Ergo argumentum superbiae, privatio est gratia.

147. Ex dictis etiam intelliges difficile testimonium Divi Thomae, qui exponens hæc verba Christi Joan. 17. Ego pro eis rogo, non pro mundo, sed pro his quos dedisti mihi, quia tui sunt, sic ait: Dicendum quod Christus quantum est de se pro omnibus oravit, quia oratio sua, quantum est de se, efficax est ut valeat toti mundo, sed tamen non in omnibus sortitur effectum, nisi in Sanctis & Electis Dei, & hoc propter impedimentum mundanorum. His enim verbis non intendit docere (ut aliqui existimant) quod oratio Christi, ejusque voluntas absoluta, & gratia efficax per illam obtenta, vel preparata, sit dependens quantum ad usum & efficaciam à libero hominum arbitrio, ita ut possit frustrari, & reddi inefficax per ejus resistentiam & dissensum, ut docent Molina & alij Recentiores. Sed tantum vult, quod liberum hominis arbitrium, per culpam mortalem, vel veniale, potest ponere obicem & impedimentum gratiae efficaci, & se reddere indignum ejus receptione, seu suā indignitate movere Deum ad illam denegandam, non tamen illam jam receptam, & in anima existentem, abjecere, & frustrare suo effectu: ut exemplo radj solaris, cuius receptione homo potest ponere impedimentum, claudendo oculos, vel fenestram; non tamen illum jam receptum frustrare suo effectu, & ejus illuminationem impedire, suprà declaravimus. Quod autem hic sit verus, & germanus sensus D. Thome, satis apertè indicant hæc verba: Et hoc propter impedimentum mundanorum, quibus significat mundanos (id est reprobos & peccatores) per peccata quæ committunt, divinae gratiae ponere impedimentum. Et licet illud etiam interdum ponatur à sanctis & electis, Deus tamen in eis illud vincit, seu ab eis removere per suam misericordiam, & propter merita Christi, qui pro eorum salute rogavit: non tamen in mundanis & reprobis, quia pro eis Christus non oravit, ut vitam consequerentur æternam, sicut pro prædestinatis, ut disp. præcedenti art. 2. exposuimus.

§. IV.

Exponuntur quedam testimonia D. Augustini & sancti Thome, quo videntur favere Adversariorum sententiae.

148. **O**biciunt in primis Adversarij, quod Divus Augustinus interdum docet, ex duobus hominibus æquali auxilio gratiae præventis, unum propriæ voluntate converti, & tentationi resistere, non verò alterum: Ergo ex Augustino voluntas Dei non est efficax de se, sed ex consensu & determinatione liberi arbitrij. Consequentia patet, Antecedens probatur ex Augustino libro de prædest. & gratia cap. 15. ubi parificat quantum ad omnia Pharaonem & Nabuchodonozor: in natura, in dignitate, in pœna quæ flagellati sunt à Deo, in causa, quia uteque populum Dei captivum tenebat. Et tamen fines eorum fuerunt diversi, quia *Vnus*, inquit, *manum Dei sentiens*, in recordatione proprie inquiratis ingemuit, alter libero contra Dei misericordissimam veritatem pugnavit arbitrio. Idem docet 12. de Civit. cap. 6. de duobus æquali tentatione yisæ mulieris pulsat: *Si aliqui duo* (inquit) *æqualiter affecti animo*.

A & corpore, videant unius corporis pulchritudinem, quæ visu unius eorum ad illicite perfruendum movatur, alter in voluntate pudica stabilis perseveret: quid putamus esse cause ut in illo fiat, in illo non fiat voluntas mala, quæ illam rem fecit in quo facta est? Neque enim pulchritudo illa corporis: nam eam non fecit in ambabus, quandoquidem amborum non dispariter occurrit aspectibus. An caro intentius in causa est? Cur non & illius? An verò unius? Cur non utrinque? Ambos enim & animo & corpore æqualiter affectos fuisse prediximus. An dicendum est, alterum eorum occultâ maligni spiritus suggestione tentatione, quasi non eidem suggestioni & qualicumque suafoni, propriâ voluntate consenserit? &c. Cui difficultati postea sic responderet: *Vi hoc quoque impedimentum ab ista questione tollatur, si eadem tentatione ambo tententur, & unus ei cedat atque consentiat, alter idem qui fuerat perseveret, quid aliud appareat, nisi unum voluisse, alterum noluisse à castitate desicere?* Item libro 1. ad Simplicianum quæst. 2. loquens de Elau dicit: *Si voluerit & cucurisset, Dei adjutori pervenisset.* Et de spiritu & littera cap. 3. docet quod visorum suafonibus agit Deus, ut velimus & credamus, sive extrinsecus per Evangelicas exhortationes &c. sive intrinsecus, ubi nemo habet in potestate quid ei veniat in mentem; sed consentire vel dissentire, propria voluntatis est.

149. Respondeo negando Antecedens. Ad cujus primam probationem, in primis dico non esse certum, sed dubium, an liber de prædefinitione & gratia sit Augustini, & propterea à Lovaniensemibus in appendicem esse rejectum.

Respondeo secundo, Augustinum ibidem loqui tantum de auxiliis externis, vel de internis moraliter tantum excitantibus (illa enim possunt esse æquaalia in consentiente & non consentiente) non autem de auxiliis efficacibus & physicè prævenientibus, quæ admitit locis suprà à nobis relatis: talia enim auxilia semper sunt majora in eo qui convertitur, quam in alio qui non convertitur. Et ita clarè se explicat S. Doctor ibidem: dicit enim quod *Nabuchodonozor manum Dei sentiens & ingemiscens penituit*, quia illi ut mutaretur adfuit divinum præsidium, alteri ut induraretur deficit.

Ad secundum testimonium, similiter responderet Vazquez, Augustinum eo loco æquiparare illos duos juvenes, solum quantum ad circumstantias, & exteriora signa, non autem quantum ad auxilia intrinseca.

E Secundò respondeo quod intentio Augustini in eo loco solum est ostendere, quod consensus in tentationem oritur à voluntate propria, ut deficiente, & non solum ex eo quod natura est: quia ibi loquitur exprefsè de origine mali & peccati unde sit, cum ipsa natura sit bona, & dicit oriri ex propria voluntate, ut ex nihilo facta est, seu ut defecibilis est. Resistentia autem contra hanc tentationem, licet propriæ voluntate fiat, non tamen propriæ voluntate nude sumpta, vel auxilio tantum morali excitata, sed voluntate præparata, determinata & applicata per gratiam; ut clarè docet idem Augustinus locis suprà relatis, præsertim de dono perseverantie cap. 13. ubi ait: *Nos ergo volumus, sed Deus in nobis operatur & velle: nos ergo operamur, sed Deus in nobis operatur & operari pro bona voluntate.* Hoc nobis expedit & credere, & dicere: hoc est pium, hoc verum, ut sit humilis & submissa

confesso, & detur totum Dco. Et de gratia & libero arbitrio cap. 16. Ceterum est nos mandata servare si volumus, sed quia preparatur voluntas a Domino, ab illo petendum est ut tantum velimus, quantum sufficit ut volendo faciamus. Ceterum est nos velle cum volumus, sed ille facit ut velimus bonum, de quo scriptura est: preparatur voluntas a Domino. Ceterum est nos facere cum facimus, sed ille facit ut faciamus, praebindo vires efficacissimas voluntatis, qui dixit: Faciam ut in justificationibus meis ambuleatis, & iudicia mea obseruitis, & faciatis. Et libro Rerat. cap. 10, sic habet: Quando dixi in libro de Genes, divinum lumen pacis pura corda eorum qui ab amore visibilium se ad ejus implenda precepta convertunt, quod omnes possunt se velint; non existimat novi heretici Pelagiani secundum eos esse dictum: verum est enim omnino hoc posse se velint, sed preparatur voluntas a Domino. Et alibi dicit: Multi audierunt verbum veritatis, alii credunt, alii contradicunt: volunt ergo isti credere, nolunt autem illi: sed cum aliis preparetur, aliis non preparatur voluntas a Domino, discernendum est utique, quid veniat de misericordia ejus, quid de iudicio. Ex quibus testimonio patet, quod quando idem Augustinus ait, si Ego voluisse, & currem, &c. Consentire vel dissentire propria voluntatis est, non intendit excludere gratiam efficacem, qua facit nos velle, & currere in via mandatorum Dei, juxta illud Prophetæ Psalm. 118. Viam mandatorum tuorum curre, cum dilatasti cor meum: Sed tantum declarare consensum & determinationem liberi arbitrij, quod seipsum determinat tanquam secundum liberum & secundum determinans, dependenter a motione & applicatione Dei, ut primi liberi, primique determinantis, cui essentialiter subordinatur, ut clare seipsum explicat eodem cap. 34. de spiritu & littera, ubi ait: Profeto & ipsum velle credere Deus operatur in homine, & in omnibus misericordia ejus praevinit nos: consentire autem vocationi Dei, vel ab ea dissentire, sicut dixi, propria voluntatis est. Quibus verbis aperte declarat, quod quamvis propria voluntatis sit consentire vocationi Dei, ipsum tamen velle Deus in homine operatur per gratiam. Unde quando dicit, Visorum suasionibus agit Deus &c. tradit quidem & explicat auxilium moraliter excitans, & id quod in vocatione interna ex parte excitationis se tenet; non tamen excludit auxilium physicè præveniens, & motionem effectricem bona voluntatis, & tangentem immediatè ipsum cor, quam subministracionem spiritus appellat. Nam in libro de corrept. & gratia cap. 12. expressè docet requiri præter auxilium sufficiens, & moraliter excitans, sine quo homo non potest operari, quod non relinquatur voluntas sibi ipso, quia sic desiceret, sed quod Deus operetur ut velit. Et sic quod subventum est infirmitati voluntatis, ut indeclinabiliter, & insuperabiliter ageretur. Quod certè non debuisset dicere Augustinus, si solum agnovisset excitationem quandam indifferentem, quam nos consenserit nostro a Deo præviso facimus determinata & efficacem. Hac enim excitatio, & quodcumque indifferentis auxilium, tale est quod cum illo relinquitur homini voluntas sua, ut maneat in tali adjutorio, si velit, nec Deus, posito hoc auxilio, ulterius operatur ut velit. Dicit autem Augustinus, quod si sic relinquatur illis voluntas sua, ut in adjutorio Dei

Tom. I.

A fine quo perseverare non possent (quod est auxilium sufficiens) manerent si vellent, nec Deus in eis operaretur ut vellent: intertior & rantas tentationes, voluntas ipsa infirmitate sua succumbet. Subventum est ergo infirmitati voluntatis humanae, ut divinâ gratiâ indeclinabiliter, & insuperabiliter ageretur, & ideo quavis infirma non desiceret. Ergo sentit manifestè Augustinus, præter excitationem indifferentem, & auxilium sufficiens, quod de se indifferens est ad operari de facto, vel non, aliud dari quo indecibiliter agitur.

B Utrumque etiam auxilium clarissimè expressit Cyrius Alexandrinus in libro de adoratione in spiritu, circa medium, ubi sic ait: Nam quoniam hominis natura non valde generosa est, neque satis idonea ut malum effugere queat, simul quodammodo nobiscum certat Deus, & duplex concedere beneficium videtur, persuadens admonitionibus, ut subsidium inveniamus; & fortius illud prestans, quam ut malum presens & violatum prevalere posset. Quid clarius pro distinctione auxilij efficacis à sufficiéte! Sic ergo in homine duplex datur potentia, intellectus scilicet & voluntas: ita etiam secundum Augustinum, & alios SS. Patres, duplex requiritur donum, sive duplex gratia tangens utramque potentiam. Ex parte enim intellectus requiritur illustratio & pia cogitatio.

C Ex parte vero voluntatis, motio & applicatio. Et haec duæ gratie sunt veluti duo brachia Deianiram complectentia, de quibus dicitur in Canticis: Læva ejus sub capite meo, id est intellectus, qui est caput animæ, illustrato per cognitionem. Et dextera illius amplexabitur me: per inspirationem suam, & motionem tangentem voluntatem, & per charitatem inflammantem cor & affectum. Et utramque hanc gratiam insinuat Tridentinum sess. 6. can. 5. his verbis: Si quis dixerit liberum arbitrium motum & excitatum à Deo, non posse dissentire si velit, Anathema sit. His enim verbis declarat, liberum arbitrium non solum esse physicè motum à Deo, ut assertit Calvinus; ne solum moraliter excitatum, ut docebat Pelagius: sed simul esse physicè motum & moraliter excitatum, & sub utraque motione physica & morali, servare potentiam ad dissentiendum, ac proinde libertatem, sicut docent Thomistæ.

D Objicies secundò: Negatà gratiâ efficaci ab intrinseco, voluntatis nostræ prædeterminativâ, non possunt admitti decreta ex se efficacia: Sed talē gratiam negat D. Thomas: Ergo & illa decreta. Major constat, nam gratia de se efficax effluit & emanat a decreto efficaci & præterminante, & est ejus causalitas & executio. Minor vero probatur ex S. Thoma in cap. 8. ad Roman. leçt. 3. ubi expressè docet, vocationem interiorum efficacem esse, quia illi voluntas assentitur: Hac vocatione, inquit, est efficac in prædestinatis, quia huiusmodi vocationi assentuntur. Idem docet Dominicus Soto de natura & gratia cap. 15. ubi ait: In adultis reddenda est proxima causa, cur cum duos aquæ sit Deus paratissimus convertere, præsentissimaque utrumque misericordia aspiret, hunc trahat, illum non trahat: quæ revera reddi non potest, nisi quod alter præberet assensum & cooperatur, alter vero minime.

E Respondeo concessa Majori, negando Minorem. Ad cuius probationem, in primis dicendum est, quod quando S. Thomas docet, vocationem

152

NN n ij

interiorem esse efficacem, quia voluntas consenit: particula *quia* non est sumenda in sensu causal, sed illativo: seu secundum rationem consequentia, non secundum causam essendi. Sicut idem S. Doctor quæst. 2. de veritate art. 14. explicat verba Origenis, dicentes, *Quia futurum est aliquid, ideo scitur a Deo antequam fiat*, & dicit *hoc esse intelligendum secundum causam consequentia, non secundum causam essendi*: id est in sensu illativo, non vero in sensu causal.

153.

Secundo responderi potest, quod si D. Thomas usurpet illam particulam *quia* in sensu causal, loquitur solum de causalitate materiali & dispositiva, non autem de formali, vel efficiente. In quo etiam sensu locutus est dominicus Soto cap. 15. de natura & gratia, ut ipsem refatur in fine Commentariorum 4. libri sententiæ pag. 1053. ubi resumens & repetens eadem verba quæ scripserat in prafato libro de natura & gratia, addit: *Quidam vero hoc taxare voluerunt dicentes quod nimium tribuerim liber arbitrio in iustificationis causa. Et tamen, salvâ semper Catholica Ecclesia censurâ, arbitror necessariò sic dicendum. Assensus enim liberi arbitrij non est causa preventi motionis Dei, sed effectus ejusdem motionis, idem preventi liberum arbitrium. Est enim pulsatio & aspiratio Dei ad corda nostra, similia aeri in fenestram clausam aspiranti. Sed quia non aperit nobis eadem corda ex necessitate, sed nobis libere consentientibus: quamvis causa prior efficiens qua nos convertit, sit ejus spiratio, & motio preventi; tamen dispositio materialis (que hoc modo dici potest causa) est assensio nostra. Sicuti causa efficiens preventi cur fenestra aperitur, est aer intrans: sed causa materialis cur aer intrat, est quia fenestra aperitur.*

Ex quibus patet, Patrem Annatum in libro de scientia media, frustra adducere dominicum Soto tanquam contrarium sententiæ Thomistatum, cum illam variis in locis expressissime doceat, ut in Apologia Thomistarum fusè ostensem est.

Art. 6.

ARTICVLVS VII.

An divinorum decretorum efficacia, ad statum innocentiae Angelorum & hominum extendenda sit?

154.

Hucusque contra Molinam & alios Recentiores pugnatum est, nunc contra Jansenium & sectatores ejus certamen instituimus; ille enim Author, quasi biceps, & dimidiatus Molinae & D. Thomas asecla; isti adhæret, dum explicat regimen & providentiam Dei respectu hominis lapsi: illi vero, dum statum innocentiae, & operationes primi hominis stantis & sani, ac Angelorum gratiam & predestinationem exponit. Unde merito de illo tale aliquid usurpari potest, quale olim de eo, de quo dicebatur, & *Senatum perdidisse, & Monachum non fecisse*.

155.

Jansenius ergo divinorum decretorum & auxiliorum efficaciam respectu hominis lapsi cum Thomistis agnoscit, sed eam ad statum innocentiae Angelorum & hominum non esse extendendam, cum Molina & aliis Recentioribus contendit; atque hanc inter gratiam medicinalem Christi nobis concessam, & gratiam sanitatis Angelis & primis parentibus datum, statuit generalem differentiam, quod illa moveat & determinet

A liberum arbitrium ad bonum; ista vero ejus natum, seu motum, ac determinationem expectaret, cique quantum ad efficaciam & usum subjeceretur. Idque principiis Augustini adeo conne- xum putat, ut libro 8. de gratia Christi Salvatoris cap. 2. scribere non dubitaverit: *Gratiam efficacem ad omnes humanae nature status dilatatam, ab Augustini sensibus esse remotissimam, & vi potius humana Philosophia, quam Augustiniana Theologia expressam & inventam. Totumque funda- mentum gratiae medicinalis Christi subvertit, & Scripturam subnervari, dum gratia necessaria, non ex voluntate, sed naturali ejus indiffer- rentia, & omnium causarum subordinatione sus- penditur. Addit ibidem: Qui medicinalis Christi gratiam sic defendere conantur, ut eam in prede- terminationem physicam transforment, omni sta- tui hominum laporum & innocentium, ex vi cau- sa prima, & indifferencia voluntatis necessariam, magis profecto Aristotelici, quam Augustinianam sunt: nam talis prædeterminatio sic asserta, non so- lum nullo testimonio ejus probari potest, sed potius universam doctrinam ejus inexplicabili confusio- ne perurbat; tollit enim differentiam integræ lap- sae voluntatis, tollit differentiam duplicitis ad- jutori quo & sine quo obcurat veram radicem gratiae medicinalis, nec sinit intelligere veram na- turam ejus, dum equaliter statuit illam prædetermi- nationem omnibus necessariam. Tandem cocludit, differentiam illam quam statuit inter gratiam medicinalem & gratiam sanitatis, esse doctrinæ ab Augustino traditæ basim ac fundamentum, veram clavim quæ aditus in scripta ejus, & in pa- latium gratiae aperiendus est, annulum qui cate- rotum dogmatum catenam trahit, & veluti fi- lium Ariadneum, quod nisi quis regatur, tota ejus doctrina, merus labyrinthus est.*

Verum hæc doctrina Jansenij displicerit pluri- bus & illustrissimis D. Augustini Discipulis, qui decretorum & auxiliorum efficaciam necessita- tem, non solum pro statu naturæ lapsæ, sed etiam pro statu integratæ & innocentiae hominum &

D Angelorum agnoscunt, subindeque discrimen il- lud gratiae medicinalis & gratiae sanitatis, quod Jansenianæ doctrinæ basis & fundamentum est, prorsus rejiciunt. Inter quos præcipui sunt Thomas Bravardinus, Archiepiscopus Cantuariensis, & insignis gratia per se efficacis defensor. Guillelmus Estius pari Theologie Positiva & Scho- lastice peritius celeberrimus. Leonardus Coqueus in Augustini doctrina versatissimus, ut præclara ejus commentaria in libros de civitate Dei te- stantur. Ysambertus Academia Parisiensis pœ- clarissimum lumen. Nuper etiam Thomas Anglus opusculum edidit cui titulus est, *Mens Au- gustini de gratia Adami*, in quo gratiam Angelorum & primorum parentum non fuisse subditam ipsorum libero arbitrio, sed ipsum determinasse & applicasse ad bene operandum, disertè docet, & oppositam sententiam virus Pelagianismi con- tinere, & D. Augustino è diametro repugnare afferit. Idem sentiunt Thomistæ cum Angelico Præceptore, qui ita clarè mentem suam aperit locis infra referendis, ut de ea dubitare nemo possit, nisi in media velit luce cœcure.

Porro quia Jansenius ad Augustini tribunal causam evocat, & solis Augustini testimoniis item hanc dirimendam esse contendit; ad Au- gustinum recurrimus, & coram ejus tribunal causam dicere non recusamus, Jansenioque